

# **Ala xa masenyi**

## **Annabi Yude naxan sebe**

### **Masenyi nde yi Kitaabui xa fe ra**

Annabi Yude nan yi bataaxe sebe Ala xanun-tenyie ma, a findi Kitaabui nan na mixi birin be naxee wama birafe Ala xa seriye foxo ra. Na danxaniyatoe nama, Annabi Yude yi bataaxe sebexi naxan ma, mixi ndee nu bara so e tagi alako e xa Ala xa xaranyi mafindi e waxonki ra. Na mixi jaaxie jere ki nu bara findi fe xungbe ra na Isayankae be, ndee fa bira e xa wule masenyi foxo ra.

Na na a ra, Annabi Yude naxa woyenyi xoxoxoe fala e be na xaranyi xa fe ra. A naxa danxaniyatoe rasi a fanyi ra, e naxa lu seniyentareja kui. A naxa a masen e be a fixe ra, a na mixi mooli yahannama nan sotoma. Temui dangixi mixi gbegbe naxee nu na Ala xa kira xon ma, e mee ne Ala xa seriye ra, na naxa findi paxankate xungbe ra e be. Annabi Yude mu tinxi na mooli xa raba na danxaniyatoe ra.

Won fan xa nu na marasi rame. Mixi gbegbe na duniya naxee Ala xili falama, konso e mu Ala xa seriye rabatuma. Alatala Kitaabui luxi won yi ra na nan ma alako won xa masenyi birin sa sikeeli ma, won xa a mato xa a findixi nondi nan na, xa na mu a ra xa Sentane xa wule na a ra.

Ala xa won natanga na diinela wule false ma. Amina.

## **Ala xa masenyi Annabi Yude naxan seβε**

<sup>1</sup> N tan Yude nan yi ki, Ala xa Mixi Sugandixi Isa xa konyi, nun Yaki ngaxakerenma. N na yi bataaxe seβεfe mixie nan ma, Baba Ala naxee xilixi, a naxee xanuxi, nun Ala xa Mixi Sugandixi Isa naxee makantaxi.

<sup>2</sup> Ala xa kinikini, boṅesa, nun xanunteya gbo wo yi.

<sup>3</sup> N xanuntenyie, n bara wa bataaxe seβεfe wo ma won ma kisi xa fe ra. N bara wa na rabafe alako n xa wo ralimaniya, wo xa gere so won ma danxaniya xa fe ra, naxan ṅan bara γε masende kerenyi ra seniyentōe βε.

<sup>4</sup> Mixi ndee bara so wo tagi, naxee xa ṅaxankate ṅan bara seβε a rakuya. Kaafirie nan e ra, naxee won Marigi Ala xa hinne mafindima, alako e xa lu fe ṅaaxie kui, e xa e kobe raso won Karamoxo kerenyi ra, won Marigi Isa, Ala xa Mixi Sugandixi.

<sup>5</sup> Hali wo a kolon, n wama wo ratufe fe dangixi ndee nan ma. Marigi to γε Isirayila ṅama raminide Misira boxi ma, a naxa Isirayilaka danxaniyataree sonto.

<sup>6</sup> Maleke ndee fan to e yete lu binyetareṅa kui, e e xonyi beṅin, Ala naxa e raso geeli kui, e xa lu dimi kui han kiiti xungbe sa loxoε.

<sup>7</sup> Sodoma nun Gomora, a nun e rabilinyi, e to e yete rafi fe ṅaaxie ma, e nun e boore nu kafu mooli nde ra naxan mu lanma adamadie tagi, Ala

naxa e findi misaali ra, a e raso τε xōōra naxan mu xubenma abadan.

<sup>8</sup> Kōō na mixi naxee bara so wo tagi, e laamatunyi ndee toma naxee a niya e xa seniyentarepa raba, e Marigi xa yaamari matandi, e malekεε konbi.

<sup>9</sup> Malekε mange Minkayilu to wōyεn Ibulisa bε Annabi Munsa fure xa fe ra, Minkayilu mu suusa Ibulisa xa wōyenyi yaabide konbi ra. A a fala nε gbansan, «Ala xa i makiiti.»

<sup>10</sup> Kōō na mixie konbi tima fe nde xa fe ra, e mu naxan kolon. E naxan kolon e yεte ra, a wula sube xaxilitaree daaxi, na fan mu findi sese ra fo e kanase.

<sup>11</sup> Naxankate na e bε. E bara bira Kabila xa misaali fōxō ra. E bara bira kōbiri fōxō ra alō Balami, e fa lōε. E bara matandi ti alō Kora, e xun fa rakana.

<sup>12</sup> Na mixie bara wo xa ngaxakerenya malanyie manōxō. E e dεgema wo ya ma, e mεenima e yεte nan gbansan ma, e mu yaagima. E luxi alō nuxuie, foye naxee rapεrema, kōō e mu fama tunε ra. E luxi alō sansi naxee mu bogi raminima e bogi temui. E to tala, e bara faxa sanmaya firin.

<sup>13</sup> E luxi alō baa mōronyie naxee xunfε raminima. Na xunfε misaalixi na mixie xa fe paaxie nan na. E luxi alō tunbui naxee ragataxi koore ma, e nu lintan dimi kui abadan.

<sup>14</sup> Enoki, Adama tolobite solofere nde, naxa yi masenyi fala Ala xili ra e xa fe ra, «Marigi na fafe, a nun a xa seniyentōε wulu wulu,

<sup>15</sup> alako a xa adamadi birin makiiti. Kaafirie xa makiiti e xa fe paaxi rabaxie ma. Kaafirie

xa makiiti e xa konbie xa fe ra, e naxan falama Marigi xun ma.»

<sup>16</sup> Na mixi moolie luma ne sɔnxɔ ra, e mu jɛlexinma, e birama e yete waxɔnfe nan tun fɔxɔ ra, e de igbo, e mixi madaxuma wɔyenyi jɔxunme ra alako e xa se sɔtɔ.

<sup>17</sup> Kɔnɔ wo tan, n xanuntenyie, wo xa ratu won Marigi Isa xa xɛerae xa masenyie ma.

<sup>18</sup> E nu bara a fala wo be, «Waxati dɔnxɔe, mixie fama ne yode Ala ma, e bira e waxɔnfe tinxintaree fɔxɔ ra.»

<sup>19</sup> Na mixi moolie na wo tagi. E wo xa lanyi kanama ne. E birama e yete xaxili nan fɔxɔ ra. Ala Xaxili Seniyenxi mu na e bɔne i.

<sup>20</sup> Kɔnɔ wo tan, n xanuntenyie, wo xa wo xa danxaniya seniyenxi rasabati. Wo xa Ala maxandi a Xaxili Seniyenxi saabui ra.

<sup>21</sup> Wo xa lu Ala xa xanunteya bun ma, alako wo Marigi Isa, Ala xa Mixi Sugandixi, xa kinikini wo ma, a xa wo rakisi.

<sup>22</sup> Wo xa kinikini mixie ma naxee siikexi,

<sup>23</sup> wo xa e ratanga te ma. Wo man xa kinikini booree fan ma gaaxui kui, kɔnɔ wo xa meeni wo yete ma e ya ma, alako wo fan naxa fa wo yete findi seniyentaree ra.

<sup>24</sup> Ala tantu, naxan nɔma won nakiside won ma yunubi birin ma, naxan nɔma won masende seniyenyi nun seewe ra a xa nɔre kui.

<sup>25</sup> Ala tantu, naxan firin nde mu na, naxan bara won nakisi a xa Mixi Sugandixi Isa saabui ra. Nɔre, xunnakeli, senbe, nun nɔe na a be beenun dunija xa folɔ, yakɔsi, nun waxati naxan sa fama abadan. Amina.

**Soso Kitaabuie: Tawureta, Yabura, Inyila**  
**The Holy Bible in the Susu language of Guinea (Soso**  
**Kitaabuie: Tawureta, Yabura, Inyila Bible)**

copyright © 2015 Mission Évangélique Réformée Néerlandaise et les  
Traducteurs Pionniers de la Bible

Language: Susu

Contributor: Mission Évangélique Réformée Néerlandaise

This translation is made available to you under the terms of the Creative  
Commons Attribution-Noncommercial-No Derivatives license 4.0.

You may share and redistribute this Bible translation or extracts from it  
in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.  
Pictures included with Scriptures and other documents on this site are  
licensed just for use with those Scriptures and documents. For other uses,  
please contact the respective copyright owners.

2020-11-11

---

PDF generated using Haiola and XeLaTeX on 18 Apr 2025 from source  
files dated 29 Jan 2022

f1d08866-ea3e-5b9b-b506-e7690c5c61d2